

譚延闓致李烈鈞

的一封介紹信

· 湘芬 ·

湖南茶陵譚延闓先生字組庵，文武兼資，書法文章都冠絕海內，零縑寸簡，得者珍之，重如拱璧。民國十六年譚氏滯留漢皋時，曾爲臨川李筠庵作一介紹函致李烈鈞（字協和），措詞古樸雋雅可誦，絕不落平常請託信之窠臼，組庵與李筠庵爲文字交，推崇備至，尤見名人吐屬手筆之不同凡響。原函略記如左。

俠黃（協和別字）吾兄：兩奉手教，所言略同，計同時所發。金陵舊遊地，寤寐不忘，終富謀一至，（謀字頗有弦外之音）臨川李筠庵先生，珂鄉望族，名公之弟，（指清道人）工書畫，精鑒賞，金石瓷銅，見而卽知真僞，朋儕中所無，公好古好客，不可不識此人，爰貢於左右，幸結識之，貧者士之常，是則公所熟聞不待陳耳。」字裡行間絕不露請託之詞，言外之音，自可表現，聞李筠庵賚書晉見李協和時，協和待之極爲優禮，如敬上賓，此蓋重譚氏之函及李筠庵之爲人耳。